

"ახალგაზრდული ინიციატივების" ფარგლებში კონკურსის ჩატარებისა და დროებითი კომისიის მუშაობის დებულება

**1. ზოგადი დებულებანი**

- 1.1 წინამდებარე დებულება განსაზღვრავს კონკურსის „ახალგაზრდული ინიციატივების“ ჩატარების წესსა და პირობებს, შეფასების კრიტერიუმებსა და ადმინისტრაციული უზრუნველყოფის საკითხებს.
- 1.2 კონკურსის ორგანიზატორია ქალაქ ქუთაისის მუნიციპალიტეტის მერია.
- 1.3 კონკურსის ჩატარებაზე პასუხისმგებელია ქალაქ ქუთაისის მუნიციპალიტეტის მერიის კულტურის, სპორტის, განათლებისა და ახალგაზრდობის საქმეთა განყოფილება, რომელიც:
  - 1.3.1 უზრუნველყოფს მონაწილეთა ინფორმირებას
  - 1.3.2 კონკურსის ჩატარების საორგანიზაციო საკითხების მოგვარებას;
  - 1.3.3 კონკურსის ჩატარების ხელშეწყობას
  - 1.3.4 კონკურსში შემოსული განაცხადების შემოწმებას დებულებით გათვალისწინებულ მოთხოვნებთან მათ შორის ბიუჯეტში სახელფასო მოთხოვნის 30% ზღვარის დაცვის კუთხით.
- 1.4 კონკურსი ტარდება ქალაქ ქუთაისის მუნიციპალიტეტის მასშტაბით
- 1.5 კონკურსი "ახალგაზრდული ინიციატივები" ითვალისწინებს ახალგაზრდების/ ახალგაზრდულ საკითხებზე მომუშავე არასამთავრობო ორგანიზაციების მიერ ინიცირებული პროექტების მხარდაჭერას.

**2. კონკურსის მიზანი**

- 2.1 კონკურსის მიზანია ახალგაზრდობის სფეროში ინიციატივების წახალისება, ახალგაზრდების პოტენციალის რეალიზებისა და მათი უნარების განვითარების ხელშეწყობა.
- 2.2 საზოგადოებრივ, კულტურულ და პოლიტიკურ ცხოვრებაში ახალგაზრდების აქტიური ჩართვა.

**3. კონკურსის ჩატარების პირობები და მოთხოვნები**

- 3.1 კონკურსში მონაწილეობის უფლება აქვს ქალაქ ქუთაისის მუნიციპალიტეტის მერიის ტერიტორიაზე მცხოვრებ ფიზიკურ და კერძო სამართლის იურიდიულ პირებს. პროექტის ძირითადი ნაწილი უნდა განხორციელდეს ქუთაისში.
- 3.2 საკონკურსო განაცხადების მიღება წარმოებს დროებითი კომისიის თავმჯდომარის სახელზე. კონკურსში მონაწილეთა რეგისტრაცია ხორციელდება ქალაქ ქუთაისის მუნიციპალიტეტის მერიის კულტურის, სპორტის, განათლებისა და ახალგაზრდობის საქმეთა განყოფილებაში კომისიის მდივანთან. მდივანი უზრუნველყოფს კონკურსში მონაწილეთა საინფორმაციო ბაზის შექმნას და ინფორმაციის გაცემას. კონკურსში მონაწილეობის მსურველები ავსებენ დადგენილი ნიმუშის განაცხადს დანართები 2-3-ის შესაბამისად.
- 3.3 კონკურსში მონაწილეს შეუძლია შეავსოს მხოლოდ ერთი განაცხადი.
- 3.4 განაცხადის თითოეული შესავსები მუხლი არ უნდა აღემატებოდეს 1 გვერდს A4 ფორმატი.

**3.5 კომისია არ განიხილავს განაცხადს:**

**3.5.1 დოკუმენტების არასრულად წარმოდგენის შემთხვევაში**

**3.5.2 საქართველოს მთავრობის უწყებათაშორისი კომისიის მიერ COVID-19 წინააღმდეგ შემუშავებული რეკომენდაციების გაუთვალისწინებლობის შემთხვევაში**

**3.5.3 განსახილველად არ დაიშვება წინა წლებში ინიციატივების კონკურსში გამარჯვებული პროექტები**

3.6 კონკურსში მონაწილეთა ასაკი შეზღუდული არ არის.

3.7 ქ.ქუთაისის მუნიციპალიტეტის მერიიდან მოთხოვნილი თანხა არ უნდა აღემატებოდეს 10 000 (ათი ათასი) ლარს.

3.8 პრიორიტეტი მიენიჭება ისეთ პროექტებს, რომელთაც თან ახლავს:

- მინი კვლევა, რომელიც ასახავს საკონკურსო ინიციატივის საჭიროებას.
- რომელშიც ავტორის თანამონაწილეობა 20% და მეტია.

3.9 სახელფასო ბიუჯეტი გადასახადების გათვალისწინებით არ უნდა აღემატებოდეს პროექტის საერთო ღირებულების 30%

**4. საკონკურსო პროექტების პრიორიტეტი:**

**პრიორიტეტი მიენიჭება ახალგაზრდულ პროექტებს შემდეგი მიმართულებით:**

1. საზოგადოებრივ ცხოვრებაში ახალგაზრდების მონაწილეობის გაზრდა;
2. ახალგაზრდული საქმიანობის განვითარება;
3. ახალგაზრდების ჯანმრთელობისა და კეთილდღეობის მხარდაჭერა;
4. ახალგაზრდებისთვის არამალადობრივი, უსაფრთხო და ინკლუზიური გარემოს შექმნის ხელშეწყობა;
5. ახალგაზრდების ეკონომიკური გაძლიერებისა და დასაქმების ხელშეწყობა;
6. ახალგაზრდული პოლიტიკის მართვის სისტემის გაუმჯობესება;
7. საგანმანათლებლო, შემეცნებითი და შემოქმედებითი პროექტების წახალისება;
8. ადგილობრივი თვითმმართველობის განხორციელების პროცესში ახალგაზრდების ჩართულობის მხარდაჭერა

**5 . კონკურსში მონაწილეობის მისაღებად საჭირო დოკუმენტების ნუსხა:**

5.1 კონკურსში მონაწილეობის მისაღებად მერიაში წარმოდგენილი უნდა იქნეს შემდეგი დოკუმენტაცია:

- ა) შევსებული სტანდარტული სააპლიკაციო ფორმა/განაცხადი /დანართი N2 ორგანიზაციებისთვის და დანართი N3 ფიზიკური პირებისთვის/
- ბ) ავტობიოგრაფია (CV)/კერძო პირის შემთხვევაში, ორგანიზაციის შემთხვევაში ორგანიზაციის რეგისტრირების დოკუმენტაციის ასლი, საქმიანობის სფერო, მიზნები და განხორციელებული პროექტების ნუსხა;
- გ) პირადობის დამადასტურებელი დოკუმენტის ასლი/კერძო პირის შემთხვევაში/;
- დ) თანადაფინანსების შემთხვევაში -დამადასტურებელი საბუთი;
- ე) მინი-კვლევა, რომელიც აღნიშნული პროექტის საჭიროებაზე მიუთითებს (ასეთის არსებობის შემთხვევაში);
- ვ) პროექტის განხორციელების ადგილის ფლობის, ან სარგებლობის დამადასტურებელი დოკუმენტი (თუ პროექტი ითვალისწინებს ძირითადი აქტივობების განხორციელებას კონკრეტულ სივრცეში )

5.2 დოკუმენტები უნდა იყოს წარმოდგენილი ბეჭდური, ან/და ელექტრონული ფორმით

5.3 კომისია უფლებამოსილია საჭიროების შემთხვევაში მოითხოვოს

დამატებითი დოკუმენტაცია;

5.4. კომისია იტოვებს უფლებას, განმცხადებელს საჭიროების შემთხვევაში დააზუსტებინოს პროექტი.

5.5 თუ განმცხადებელი არასრულწლოვანია, საქმისწარმოება განხორციელდება კანონიერი წარმომადგენლის მონაწილეობით, მოქმედი კანონმდებლობის შესაბამისად

## 6. კონკურსის ეტაპები

კონკურსი მოიცავს შემდეგ ეტაპებს:

I - დოკუმენტების მიღება;

II-დოკუმენტების გადარჩევა-შესაბამისობის დადგენაა დებულების მოთხოვნებთან;;

III -პროექტების განხილვა და გამარჯვებული პროექტების გამოვლენა

## 7. შეფასება

7.1 პროექტების შეფასება ხდება შემდეგი კრიტერიუმებით

№	შეფასების კრიტერიუმი	ქულა
1	პროექტის ინოვაციურობა და კრეატიულობა	15
2	პროექტის დასაბუთება	15
3	პროექტის სტრუქტურა - მეთოდოლოგია, ფუნქციები, შესრულების გეგმა და სხვ.	15
4	ბიუჯეტი-ხარჯთეფექტიანობა და შესაბამისობა დაგეგმილ აქტივობებთან და მიზნებთან	15
5	ორგანიზაციის/კონკურსანტის გამოცდილება	10
6	რელევანტურობა - რამდენად პასუხობს პროექტი მიზნებს,	10
7	პროექტის მდგრადობა, განვითარების პერსპექტივა და შედეგისეფექტიანობა;	10
8	შესაბამისობა-რამდენად პასუხობს პროექტი პანდემიასთან დაკავშირებით შეზღუდვებს	10
სულ		100 ქულა

7.2 გამარჯვებულად გამოცხადდება პროექტი, რომელმაც დააგროვა ქულათა მაქსიმალური რაოდენობა, მაგრამ არა უმცირეს საერთო ქულათა 70% (საბოლოო ჯამში ფინანსდება საუკეთესო შედეგების მქონე პროექტები „ახალგაზრდული ინიციატივების“ მუხლში განსაზღვრული თანხის ამოწურვამდე).

## 8. კონკურსის ჩატარების ვადები

8.1 კონკურსში მონაწილეთა განაცხადების მიღება წარმოებს 2021 წლის 10 აგვისტოდან - 24 აგვისტოს 18:00 სთ-მდე ელექტრონული ფორმით მისამართზე-[contact@kutaisi.gov.ge](mailto:contact@kutaisi.gov.ge)

ან ადგილზე მოტანით ქუთაისის მუნიციპალიტეტის მერიაში მისამართზე ქ.ქუთაისი, რუსთაველის გამზ.#3

**8.2** კომისია შემოსულ განაცხადებს განიხილავს და მიღებული გადაწყვეტილების კონკურსის მესამე ეტაპზე გადასვლის შესახებ განმცხადებელს აცნობებს პრეზენტაციის გამართვამდე არაუმცირეს 5 სამუშაო დღის ვადაში.

### **8.3 პროექტის განხორციელების ვადა:**

პროექტის ხანგრძლივობა შეადგენს -არანაკლებ 2 და არაუმეტეს 12 თვეს.

## **9. დროებითი კომისიის შექმნა და მუშაობის წესი**

9.1 კონკურსის დებულებას და დროებითი კომისიის შემადგენლობას ამტკიცებს ქ. ქუთაისის მუნიციპალიტეტის მერი შესაბამისი ბრძანებით;

9.2 კომისიას ხელმძღვანელობს კომისიის თავმჯდომარე, მისი არყოფნის შემთხვევაში თავმჯდომარის მოადგილე;

9.3 კომისია უფლებამოსილია მიიღოს გადაწყვეტილება, თუ მას ესწრება სიითი შემადგენლობის უმრავლესობა;

9.4 გამარჯვებულის გამოსავლენად შეფასების კრიტერიუმების ქულათა ჯამით, . გამარჯვებულად მიიჩნევა და დაფინანსდება ის კონკურსანტი, რომელიც მიიღებს მაქსიმალურ ქულათა არანაკლებ 70 %.

9.5 თუ ორმა ან მეტმა საკონკურსო ნამუშევარმა დააგროვა თანაბარი რაოდენობის ქულები, გადამწყვეტია კომისიის თავმჯდომარის ხმა;

9.6 კომისიის გადაწყვეტილება ფორმდება ოქმით, რომელსაც ხელს აწერს კომისიის თავმჯდომარე და დამსწრე წევრები. კომისიის წევრს აქვს უფლება თავისი განსხვავებული აზრი დაურთოს ოქმს, რის შესახებაც ოქმში კეთდება აღნიშვნა;

9.7. კომისიის წევრი, რომელიც ამავე დროს არის პროექტის შემომტანი ორგანიზაციის წევრი, არ მონაწილეობს საკონკურსო პროექტის/პროექტების განხილვაში.

9.8 კომისიის გადაწყვეტილება კონკურსის შედეგებთან დაკავშირებით გამოქვეყნდება კულტურის, სპორტის, განათლებისა და ახალგაზრდობის საქმეთა განყოფილების ფეისბუქ გვერდზე არაუმეტეს გამარჯვებული პროექტების დამტკიცებიდან 5 სამუშაო დღის ვადაში.

9.8 ანგარიშის წარდგენა პროექტთან დაკავშირებით უნდა მოხდეს დანართი N4 ან დანართი N5 შესაბამისად

## **10. კონკურსში გამარჯვებული პროექტის განხორციელება**

10.1 კონკურსში გამარჯვებული პროექტები გადადის ქუთაისის მუნიციპალიტეტის მერიის საკუთრებაში და მათზე ეტაპობრივად გამოცხადდება ელექტრონული ტენდერი, გარდა იმ ინიციატივებისა, სადაც ავტორის მიერ პროექტის განხორციელებაში თანამონაწილეობა არის 20% და მეტი, რომელზეც ფორმდება ურთიერთანამშრომლობის მემორანდუმი.

10.2 გამარჯვებული ინიციატივების ავტორებს საჩუქრად ჩაერიცხებათ პროექტის ღირებულების 10 %, ხოლო პროექტებზე გამოცხადდება ელექტრონული ტენდერი.

10.3 ელექტრონულ ტენდერში სხვა პრეტენდენტის გამარჯვების შემთხვევაში, პროექტის ავტორს არ აქვს უფლება უკან გაითხოვოს საკუთარი პროექტი.

